



BOSNIA AND HERZEGOVINA
Ministry of Human Rights and Refugees

Broj: JN-01-16-4-25-8/24

Datum: 15. 07. 2024. god.

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 69. stav (1) tačka b) i stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke, broj: JN-01-16-4-25-6/24 od 03.07.2024. godine, u postupku nabavke hrane i prehrambenog materijala, donosi sljedeću:

ODLUKU
o poništenju postupka nabavke hrane i prehrambenog materijala

Član 1.

Poništava se postupak nabavke hrane i prehrambenog materijala iz razloga što dostavljena ponuda nije prihvatljiva.

Član 2.

Ova odluka će se objaviti na web stranici Ministarstva za ljudska prava i izbjeglice BiH (www.mhrr.gov.ba), istovremeno sa upućivanjem ponuđaču koji je sudjelovao u postupku javne nabavke, a u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke hrane i prehrambenog materijala broj: JN-01-16-4-25-1/24 od 12.06.2024. godine. Javna nabavka je provedena putem konkurentskog zatjeva. Procijenjena vrijednost javne nabavke iznosila je 12.820,52 KM bez PDV-a, odnosno 15.000,00 KM sa PDV-om. Obavještenje o nabavci broj: 679-7-1-29-3-38/24 od 14.06.2024. godine je objavljeno na Portalu javnih nabavki. Tenderska dokumentacija broj: JN-01-16-4-28-2/24 od 14.06.2024. godine. Komisija za nabavke je imenovana Odlukom o imenovanju broj: 01-16-4-201-1/24 od 24.01.2024. godine i Odluke o izmjeni Odluke o imenovanju Komisije za nabavke broj: 01-16-4-201-2/24 od 05.02.2024. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda broj: JN-01-16-4-25-5/24 od 03.07.2024. godine, Preporuku o poništenju postupka nabavke hrane i prehrambenog materijala broj: JN-01-16-4-25-6/24 od 03.07.2024. godine i Izvještaj o radu broj: JN-01-16-4-25-7/24 od 03.07.2024. godine, u postupku nabavke hrane i prehrambenog materijala.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno primljenih ponuda.

Naziv i sjedište ponuđača koji se isključuje zbog neispunjavanja uslova za kvalifikaciju i obrazloženje razloga isključenja:

Ponudač: MAX TRGOVINE d.o.o. Zenica

U tenderskoj dokumentaciji pod točkom 3.1.4 Tehnička i profesionalna sposobnost, definirano je da ponudač mora dostaviti sljedeće:

- *Fotografije ponuđenih artikala dostavljaju se u koloru sa jasnom rezolucijom, za robe iz Aneksa 1 Tenderske dokumentacije na kojim se jasno vidi proizvođač, naziv proizvoda i neto težina, ovjerene pečatom ponuđača, čvrsto uvezane i numerisane prema rednom broju naznačenim u Obrascu za cijenu ponude koji je dat u Aneksu 1. Ukoliko fotografija ne bude dostavljena u traženom obliku, ponuda će se odbaciti kao neprihvatljiva.*

Komisija je uvidom u ponudu ponuđača MAX TRGOVINE d.o.o. Zenica jednoglasno konstatovala da nisu dostavljene navedene fotografije.

Također, u tenderskoj dokumentaciji pod točkom 17. Aneksi, definirano je da svi aneksi trebaju biti sastavni dio ponude, u suprotnom će se ponuda odbaciti.

Komisija je uvidom u ponudu ponuđača MAX TRGOVINE d.o.o. Zenica jednoglasno konstatovala da nije dostavljen Aneks 7 – Obrazac izjave i podugovoranj.

Također, Komisija je uvidom u Aneks 1 – Obrazac za cijenu ponude – robe, jednoglasno konstatovala da nisu upisani nazivi proizvođača i nazivi proizvoda u predviđenu kolonu.

Komisija je jednoglasno konstatovala da je ponuda ponuđača MAX TRGOVINE d.o.o. Zenica nepravilna i ista se isključuje zbog neispunjavanja uslova za kvalifikaciju, u skladu sa članom 68. stav (4), tačke i) Zakona o javnim nabavkama.

Na temelju navedenog, poništava se postupak nabavke hrane i prehrambenog materijala u skladu sa članom 69. stav (1) tačka b) i stav (2) tačka d) Zakona o javnim nabavkama.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je poništenje postupka javne nabavke izvršeno u skladu sa Zakonom o javnim nabavkama, podzakonskim aktima i tenderskom dokumentacijom.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđaču,
- Sektoru za opšte, pravne i finansijsko-materijalne poslove,
- a/a.